



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude


August. Vind. [u.a.], 1762

VD18 90118014

§. 1. Innocentii obitus. Cœlestinus II. Papa.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

S. THOMAS CANTUARIENSIS.



HISTORIA ECCLESIASTICA.

LIBER LXIX.

INNOCENTIUS II. PAPA.
CONRADUS III. IMPERAT. OCC. JOANNES
COMNENUS IMP. ORIENTIS.

§. I.

*Innocentii obitus. Cælestinus II.
Papa.*

Cum Innocentius Papa jam diu
cives Tiburtinos excommuni-
casset, eorumque urbem obside-
ret, eos tandem ad deditionem, æquis
Hist. Eccles. Tom. XVII, A con- *Chr. 6. 27.*

Sæcul. XII.
A.C. 1143.

Otto Frising.

Sæcul. XII. conditionibus faciendam, compulit. Sed
 A.C.1143. obstrepebant Romani, memores acceptæ
 cladis, quam obsessi anno superiore e propugnaculis erumpentes intulerant. Ergo jubentibus quam rogantibus propiores clamabant; neutiquam aliis conditionibus Papa Tiburtinis ignosceret, quam si mœnibus suis dirutis omnes ex illa provincia in exilium migrarent, & furiose indignantes, quod Papa victos humane habuisset; seditionem commovent, ad Capitolium concurrunt, Senatam jam diu abrogatum restituunt, antiquam Romanæ Gentis potestatem & splendorem reducturi, bellum denique cum Tiburtinis restaurant. Papa ut poterat rebellibus resistebat, hos minis terrere, alios muneribus sibi conciliare conatus, satis enim intelligebat, Ecclesiam his turbis periculo exponi, ne aliquando auctoritate & Dominio sæculari privaretur, quod a Constantino acceptum hucusque conservasset. Saltem hæc erat illa ætate vulgaris opinio. Sed ecce, cum populi, viribus superioris, insolentiam compescere non posset, morbo correptus e vita discessit, vigesima quarta Septembris, anno millesimo centesimo quadragesimo tertio, cum in Cathedra S. Petri sedisset annos tredecim, & menses septem, quo tempore, diversis ordinationibus creavit Diaconos octodecim,

cim, Presbyteros viginti, Episcopos septuaginta duos. Sepultus est ad S. Joannem in Laterano, ejusque ossa deinde, opera Petri, Episcopi Albanensis, fratris sui, ad Ecclesiam S. Mariæ trans Tiberim, quam defunctus Papa reparare cœperat, translata.

Sæcul. XII.
A.C. 1143.
Papebr. con.

In ejusdem Ecclesiæ sanctuario hodie visuntur effigies, opere musivo elaboratæ, Innocentii II. Callisti I. a quo hæc Ecclesia olim nomen acceperat, Julii Papæ, cujus etiam nomen, postquam eam e ruinis eduxisset, gessit, Sancti Cornelii Papæ, & S. Calepodii Presbyteri, quorum corpora ibi quiescunt.

Legimus in Cardinale Baronio juramentum, quod Advocati a Papa constituti præstabant; unde discimus, Judices & Advocatos Romæ fuisse, annum censum recipientes, qui officia sua gratis exhibere tenebantur (*). Ceterum

*Ap. Baron.
an. 1143.*

A 2 Sacra

(*) Hujus juramenti initium erat: *In Nomine Domini, Amen. Ego Advocatus juro . . . & in fine: Hæc omnia observabo bona fide sine fraude & malo ingenio, quamdiu Papa Innocentius vel successores sui censum, centum libras valentem denariorum Papalium nobis Advocatis & Judicibus annis singulis solvere perseverabunt.*

Hic primo occurrit, cuiquam in Curia Romana

mana

Sæcul. XII. A.C. 1143. Sacra Sedes non plus una die vacavit; nam die Dominica, vigesima sexta Septembris, anno millesimo centesimo quadragésimo tertio, Papa electus est Guido de Castello, gente Hetruscus, Cardinalis Presbyter, titulo S. Marci, qui Cœlestinus II. dictus, Sacram Sedem haud plus quinque mensibus tenuit.

§. II.

Joannis Comneni obitus. Manuel Imperator.

Nicot. p. 27. *31.* *Cinnamm. lib. 1. 13. 15.* Eodem anno, sed sex ante menses, Joannes Comnenus Imperator mortalitatem exuerat, Antiochia Latinos pellere frustra aggressus. Inde per Ciliciam reversus est, ubi tempore hyemali in venatu sagittam in aprum dirigens, ejus cuspide veneno imbuta manum perstrinxit. Grassante paulatim veneno neglectum vulnus immedicabile factum est, cum pati nollet, ut sibi brachium infectum a reliquo corpore medici avelerent. Ergo sentiens se moriturum, Manuelem ex duobus filiis, qui ipsi supererant, natu minorem, sed Regno aptiorem, successorem suum designavit. Communionem accepit in Festo Paschæ die

mana salarium seu stipendium annuum a Summo Pontifice fuisse collatum.

Card. Baron. ad hunc annum.